

POZIV NA UČEŠĆE NA KONKURSU  
ZA  
GODIŠNJU NAGRADU BHAAAS

Bosansko-hercegovačko američka akademija nauka i umjetnosti (originalno BHAAAS) oglašava godišnji konkurs za najbolji naučno-istraživački i kulturno-umjetnički projekat u oblasti prirodnih i društvenih nauka, humanističkih disciplina, tehnologije, kulture i umjetnosti. Projekat bi trebao sadržavati autentičan i kreativan doprinos dobrobiti Bosne i Hercegovine i/ili njene dijaspore u Sjedinjenim Američkim Državama i Kanadi. Prijavljeni projekti moraju biti ili okončani u prethodnoj godini (ne prije januara 2011) ili u završnoj fazi, što znači da će biti završeni do kraja godine (najkasnije do kraja decembra 2012).

Projekti mogu biti u različitim formatima koji ne isključuju jedni druge: elektronski poster (PowerPoint, PDF, ili JPG), vizualni ili zvučni snimak, članak, istraživački rad, software program ili literarni rad. Bez obzira na format, svaka prijava na konkurs treba sadržavati zaseban dokumenat sa sljedećom sadržinom:

- opis projekta u 500 riječi
- jasan opis doprinosa projekta dobrobiti Bosne i Hercegovine i/ili njene dijaspore u Sjedinjenim američkim državama i Kanadi u 250 riječi
- rezime ili CV kandidata/kandidatkinje
- pismo preporuke od univerzitetskog profesora kandidata/kandidatkinje

Kandidati su dužni poslati projekte na adresu [mirsad@uncc.edu](mailto:mirsad@uncc.edu) najkasnije do 31.7.2012. godine do 17 časova. Odabrani kandidati iz SAD će biti pozvani da prezentiraju svoje radove na godišnjoj BHAAAS konferenciji u Jacksonville-u FL u oktobru 2012. Odabrani kandidati iz BiH će biti pozvani da prezentiraju svoje radove na skupu Dani BHAAAS u BiH 2013. Dobitnik prve nagrade će primiti plaketu i \$1,000. Druga nagrada uključuje plaketu i \$700, dok je treća nagrada plaketa i \$300. Svi nagrađeni učesnici čiji su projekti odabrani za prezentaciju za vrijeme godišnje konferencije će dobiti certifikat o učestvovanju.

Pravo na natječaj imaju redovni studenti četvorogodisnjih/trogodišnjih studija, kao i studenti na magisterijima univerziteta i fakulteta u USA, Kanadi i Bosni i Hercegovini.

Poziv za učestvovanje na konkursu za godišnju nagradu BHAAAS će se objaviti na BHAAAS internet stranici, kao i BHAAAS FB stranici, stranici Fontbonne University, stranici University of Missouri, i na najvećim BiH univerzitetima: sarajevskom, tuzlanskom, zeničkom, mostarskom, banjalučkom i bihaćkom. Takodjer, svi aktivni članovi BHAAAS su pozvani da pošalju poziv na natjecanje za godišnju nagradu BHAAAS fakultetima na kojima su završili studije, kako bi njihovi fakulteti oglasili natjecanje.

BHAAAS zadržava pravo da objavi nagrađene radove na svojoj internet stranici.